



Bosnia and Herzegovina  
Federation of Bosnia and Herzegovina

**CANTON SARAJEVO**  
**Anti-Corruption and Quality Control Office**

**Broj:** 20-04-14031-15/21  
**Sarajevo,** 28.06.2021. godine

**SKUPŠTINA KANTONA SARAJEVO**  
**SLUŽBA ZA SKUPŠTINSKE POSLOVE**  
*n/r sekretara Skupštine*

**Predmet:** Informacija o nadzoru implementacije Zakona u skladu sa Zaključkom Skupštine Kantona Sarajevo, dostavlja se.-

**Veza:** Vaš akt broj: 15-04-10974-1/21 od 26.03.2021. godine  
Naš akt broj: 20-04-14031-6/21 od 20.05.2021. godine

Uredbom o osnivanju Ureda za borbu protiv korupcije i upravljanje kvalitetom Kantona Sarajevo ("Službene novine Kantona Sarajevo", broj: 40/20 - prečišćeni tekst) propisane su nadležnosti Ureda za borbu protiv korupcije i upravljanje kvalitetom Kantona Sarajevo (u daljem tekstu: Ured), u kojoj je navedeno da Ured vrši stručne, operativne i administrativno tehničke poslove u vezi sa:

- provođenjem Zakona o prijavljivanju i postupku provjere podataka o imovini nosioca javnih funkcija u Kantonu Sarajevo;
- kontrolom javnih nabavki, koja podrazumijeva kontrolu zakonitosti i kontrolu svrsishodnosti svih javnih nabavki koje provode ugovorni organi čiji je osnivač Kanton Sarajevo;
- aktivnostima na prevenciji korupcije, kao i prikupljanju podataka i prijavljivanju nadležnima uočenih koruptivnih aktivnosti u Kantonu Sarajevo i
- uspostavljanjem, provođenjem i kontrolom sistema upravljanja kvalitetom u organima uprave i službama Kantona Sarajevo.

U skladu s prethodno navedenim primarnim nadležnostima Ureda, u nastavku Informacije dostavljamo prikupljene podatke i zaključke sa aspekta prevencije i borbe protiv korupcije, a u vezi **Zaključaka Skupštine Kantona Sarajevo** broj: 01-04-10974-1/21 od 22.03.2021. godine koji je dostavljen u prilogu akta Službe za skupštinske poslove Kantona Sarajevo broj: 15-04-10974-1/21 od 26.03.2021. godine. Navedenim Zaključkom Skupština Kantona Sarajevo, u tački 5. zadužila je Ured da nadzire implementaciju Zakona - Zakona o izmjena i dopunama zakona o ublažavanju negativnih ekonomskih posljedica i uštedama u Kantonu Sarajevo („Službene novine Kantona



web: <https://vlada.ks.gov.ba>  
e-mail: [uk@uk.ks.gov.ba](mailto:uk@uk.ks.gov.ba)  
Tel: + 387 (0) 33 562-277  
Fax: + 387 (0) 33 562-217  
Sarajevo, Reisa Džemaludina Čauševića 1.



Sarajevo“, broj: 12/21 - u daljem tekstu Zakon), te da o istom izvještava Skupštinu Kantona Sarajevo svakih 30 dana.

Postupajući po navedenom Zaključku, Ured je u skladu sa propisanim nadležnostima dostavio Informaciju broj: 20-04-14032-6/21 od 20.05.2021. godine, Skupštini Kantona Sarajevo o nadzoru implementacije Zakona. U navedenoj informaciji, Ured je prikupio podatke i dokumentaciju o preduzetim radnjama od strane Vlade Kantona Sarajevo, Ministarstva privrede Kantona Sarajevo, kao i o prethodnim aktivnostima Ureda, a u vezi sa provođenjem Zakona.

U cilju dalje realizacije tačke 5. Zaključaka od 22.03.2021. godine, Ured se obratio Vladi Kantona Sarajevo aktom broj: 20-04-14031-8/21 od 07.06.2021. godine, sa zahtjevom da dostave podatke i dokumentaciju o planiranim i preduzetim radnjama i aktivnostima Vlade Kantona Sarajevo, koje su definisane Zakonom i pojedinačnim tačkama Zaključaka Skupštine Kantona Sarajevo broj: 01-04-10974-1/21 (od tačke 1. do tačke 4.).


Pored navedenog, Ured je od Ministarstva privrede Kantona Sarajevo aktom broj: 20-04-14031-7/21 od 07.06.2021. godine, zatražio da dostave podatke i dokumentaciju o planiranim i preduzetim radnjama, aktivnostima i provedbenim aktima, u vezi sa provođenjem Zakona. Ministarstvo privrede Kantona Sarajevo je dostavilo Informaciju broj: 07-03-14031-8/21 od 17.06.2021. godine.

U skladu sa navedenim, Ured je izvršio uvid u relevantnu dokumentaciju i propise, sa aspekta uočavanja i prevencije korupcije, te je tom prilikom došao do sljedećih podataka i zaključaka:

Zakon o izmjenama i dopunama zakona o ublažavanju negativnih ekonomskih posljedica i uštedama u Kantonu Sarajevo (“Službene novine Kantona Sarajevo“, broj: 12/21) – je dana 25.03.2021. godine obavljen u „Službenim novinama Kantona Sarajevo“. Navedenim Zakonom je dopunjen Zakon o ublažavanju negativnih ekonomskih posljedica i uštedama u Kantonu Sarajevo (“Službene novine Kantona Sarajevo“, broj: 18/20 i 46/20), čija je primjena počela u 2020. godini, te je pored ostalog propisana zakonska obaveza: za finansiranje cijele ili dijela minimalne mjesečne neto plaće na nivou FBiH za mjesec u 2021. godini za djelatnosti kojima je rad znatno otežan zbog posljedica uzrokovanih pandemijom koronavirusa, u skladu sa obezbijedenim sredstvima, te za mogućnost finansiranja pripadajućih poreza i doprinosa na minimalnu mjesečnu neto plaću na nivou FBiH subjektima kojima Vlada KS svojom odlukom zabrani obavljanje djelatnosti, za period trajanja ove zabrane. Zakon je donesen u cilju ublažavanja negativnih ekonomskih posljedica po privredu Kantona Sarajevo, a imajući u vidu velike negativne ekonomske posljedice koje su nastale u proteklom periodu i koje će nastati u narednom periodu kao posljedica stanja nesreće izazvane pandemijom koronavirusa.

Ministar privrede Kantona Sarajevo Rješenjem broj: 07-05-45-13367/21 od 26.03.2021. godine imenovao je Komisiju za izradu Prijedloga izmjena i dopuna Programa kratkoročnih i srednjoročnih mjera od značaja za ublažavanje negativnih ekonomskih posljedica na privredu u Kantonu Sarajevo izazvanih koronavirusom (COVID-19).

Ministarstvo privrede Kantona Sarajevo je u skladu sa odredbama Zakona, pripremlilo dokument *Izmjene i dopune programa kratkoročnih i srednjoročnih mjera od značaja za ublažavanje negativnih ekonomskih posljedica na privredu u KS izazvanih pandemijom koronavirusom*. Programom su predviđene **Kratkoročne i srednjoročne** mjere od značaja za ublažavanje negativnih posljedica na privredu u Kantonu Sarajevo izazvanih koronavirusom.



Vlada Kantona Sarajevo, dana 09.04.2021. godine broj: 02-04-17055-1/21 usvojila je Izmjene i dopune programa kratkoročnih i srednjoročnih mjera od značaja za ublažavanje negativnih ekonomskih posljedica na privredu u Kantonu Sarajevo izazvanih koronavirusom (u daljem tekstu Program). Program je objavljen na web stanici Ministarstva privrede Kantona Sarajevo: <https://mp.ks.gov.ba/>.

Izmjenama i dopunama programa, predviđen je iznos od 21.000.000,00 KM i to za finansiranje cijele ili dijela minimalne mjesečne neto plaće (u FBiH) za mjesec u 2021. godini po odlukama Vlade Kantona Sarajevo i Finansiranje pripadajućih poreza i doprinosa na minimalnu mjesečnu neto plaću (u FBiH) subjektima kojima je odlukama Vlade Kantona Sarajevo zabranjeno obavljanje djelatnosti;

Shodno izmijenjenom i dopunjenom programu kratkoročnih i srednjoročnih mjera, na prijedlog Ministarstva privrede Kantona Sarajevo, Vlada Kantona Sarajevo donijela je:

- Uredbu o postupku finansiranja cijele ili dijela minimalne mjesečne neto plaće (u FBiH) za mjesec u 2021. godini (“Službene novine Kantona Sarajevo”, broj: 16/21);
- Odluku o odobravanju finansiranja cijele ili dijela minimalne mjesečne neto plaće (u FBiH) za mjesec mart i april 2021. godine (“Službene novine Kantona Sarajevo”, broj 17/21);
- Odluku o odobravanju finansiranja pripadajućih poreza i doprinosa na minimalnu mjesečnu neto plaću (u FBiH) za period trajanja zabrane obavljanja djelatnosti („Službene novine Kantona Sarajevo“, broj:17/21);
- Odluka o iznosu dijela minimalne mjesečne neto plaće (u FBiH) za mjesec mart i april 2021. godine („Službene novine Kantona Sarajevo“, broj: 23/21).

Donošenjem pojedinačnih pravnih akata od strane Vlade Kantona Sarajevo i to **uredbi i odluka**, stvoreni su uslovi kojima su se uredili dalji postupci predmetnih finansiranja.

Ministarstvo privrede Kantona Sarajevo je dana 30.04.2021. godine, broj: 07-02-11-19818/21, objavilo **Javni poziv za finansiranje cijele ili dijela minimalne mjesečne neto plaće (u FBiH) za mjesec mart i april 2021. godine.**

Ministarstvo privrede Kantona Sarajevo je dana 30.04.2021. godine, broj: 07-02-11-19956/21 objavilo **Javni poziv za finansiranje pripadajućih poreza i doprinosa na minimalnu mjesečnu neto plaću (u FBiH) za period trajanja zabrane obavljanja djelatnosti u mjesecu martu i aprilu 2021. godine.**

Navedeni javni pozivi objavljeni su na web stanici Ministarstva privrede Kantona Sarajevo: <https://mp.ks.gov.ba/>. Javni pozivi bili su otvoreni od 30.04.2021. godine do 15.05.2021. godine.

Pregled prijava i dokumentacije, obradu i kontrolu podataka, te ocjenu o ispunjavanju uslova vršila su stručna lica imenovana rješenjem Ministarstva privrede Kantona Sarajevo, broj: 07-01-11-19818/21 od 17.05.2021. godine

Odlukom Vlade Kantona Sarajevo o iznosu dijela minimalne mjesečne neto plaće (u FBiH) za mjesec mart i april 2021. godine („Službene novine Kantona Sarajevo“, broj: 23/21), propisani su iznosi cijele i dijela minimalne mjesečne neto plaće koji će se isplatiti poslovnim subjektima koji ispunjavaju sve potrebne uslove iz javnog poziva i to za navedene mjesec, za navedeni broj uposlenika za period naznačen u Javnom pozivu.



web: <https://vlada.ks.gov.ba>  
e-mail: [uk@uk.ks.gov.ba](mailto:uk@uk.ks.gov.ba)  
Tel: + 387 (0) 33 562-277  
Fax: + 387 (0) 33 562-217  
[Sarajevo. Reisa Džemaludina Čauševića 1.](#)



Dana 11.06.2021. godine, Ministarstvo privrede Kantona Sarajevo je na svojoj web stanici <https://mp.ks.gov.ba/>, objavilo:

-Odluku Vlade Kantona Sarajevo o odobravanju i uplati sredstava za finansiranje pripadajućih poreza i doprinosa na minimalnu mjesečnu neto plaću (u FBiH) za Period zabrane rad, broj: 02-04-24730-2/21;

-Listu poslovnih subjekata koji ispunjavaju uslove po Javnom pozivu broj: 07-02-11-19956/21 od 30.04.2021. godine za finansiranje pripadajućih poreza i doprinosa na minimalnu mjesečnu neto plaću (U FBiH) za period trajanja zabrane obavljanja djelatnosti u mjesecu martu i april 2021. godine, broj: 02-04-24730-2.1/21;

-Listu poslovnih subjekata koji ne ispunjavaju uslove po Javnom pozivu broj: 07-02-11-19956/21 od 30.04.2021. godine za finansiranje pripadajućih poreza i doprinosa na minimalnu mjesečnu neto plaću (U FBiH) za period trajanja zabrane obavljanja djelatnosti u mjesecu martu i april 2021. godine, broj: 02-04-24730-2.2/21;

- Odluku Vlade Kantona Sarajevo o odobravanju i uplati sredstava za finansiranje dijela minimalne mjesečne neto plaće (u FBiH) za mjesec mart i april 2021. godine, broj: 02-04-24730-1/21;

- Listu poslovnih subjekata koji ispunjavaju uslove po Javnom pozivu broj: 07-02-11-19818/21 od 30.04.2021. godine za finansiranje cijele ili dijela minimalne mjesečne neto plaće (u FBiH) za mjesec mart i april 2021. godine, broj: 02-04-24730-1.1/21;

- Listu poslovnih subjekata koji ne ispunjavaju uslove po javnom pozivu broj: 07-02-11-19818/21 od 30.04.2021. godine za finansiranje cijele ili dijela minimalne za finansiranje cijele ili dijela minimalne mjesečne neto plaće (u FBiH) za mjesec mart i april 2021. godine za mart i april 2021. godine, broj: 02-04-24730-1.2/21.

Odlukom o odobravanju i uplati sredstava za finansiranje pripadajućih poreza i doprinosa na minimalnu mjesečnu neto plaću (u FBiH) za Period zabrane rad, broj: 02-04-24730-2/21, koju je donijela Vlada Kantona Sarajevo, odobrena je uplata budžetskih sredstava u ukupnom iznosu od **1.900.513,68 KM za finansiranje pripadajućih poreza i doprinosa** na minimalnu mjesečnu neto plaću (u FBiH) poslovnim subjektima koji ispunjavaju uslove iz Javnog poziva broj: 07-02-11-19956/21 od 30.04.2021. godine objavljenog dana 30.04.2021. godine za periode zabrane rada iz ovog Javnog poziva, a prema Listi koja je sastavni dio ove odluke. Na Listi poslovnih subjekata koji ispunjavaju uslove za finansiranje pripadajućih poreza i doprinosa za mart i april 2021. godine, broj: 02-04-24730-2.1/21, nalazi se 794 poslovna subjekta. Na Listi poslovnih subjekata koji ne ispunjavaju uslove za finansiranje pripadajućih poreza i doprinosa za mart i april 2021. godine, broj: 02-04-24730-2.2/21, nalazi se 296 poslovnih subjekata koji ne ispunjavaju jedan ili više uslova i kriterija iz javnog poziva. Kao razlozi za odbijanje poslovnih subjekata su između ostalog navedeni sljedeći razlozi: nisu izmireni doprinosi i porezi, djelatnost bez prava učešća po javnom pozivu, neblagovremeno podnesena prijava na javni poziv i nema prijavljenih radnika na dan 28.02.2021. godine.

Odlukom o odobravanju i uplati sredstava za finansiranje dijela minimalne mjesečne neto plaće (u FBiH) za mjesec mart i april 2021. godine, broj: 02-04-24730-1/21, koju je donijela Vlade Kantona Sarajevo, odobrena je uplata budžetskih sredstava u ukupnom iznosu od **7.075.727,40 KM za finansiranje dijela minimalne mjesečne neto plaće** (u FBiH) za mjesec mart i april 2021. godine poslovnim subjektima koji ispunjavaju uslove iz Javnog poziva broj: 07-02-11-19818/21 od 30.04.2021. godine objavljenog dana 30.04.2021. godine, a prema Listi koja je sastavni dio ove odluke. Na Listi poslovnih subjekata koji ispunjavaju uslove za finansiranje cijele ili dijela minimalne



web: <https://vlada.ks.gov.ba>  
e-mail: [uk@uk.ks.gov.ba](mailto:uk@uk.ks.gov.ba)  
Tel: + 387 (0) 33 562-277  
Fax: + 387 (0) 33 562-217

Sarajevo, Reisa Džemaludina Čauševića 1.



plaće za mart i april 2021. godine, broj: 02-04-24730-1.1/21, nalazi se 3.588 poslovnih subjekata. Na Listi poslovnih subjekata koji ne ispunjavaju uslove za finansiranje cijele ili dijela minimalne plaće za mart i april 2021. godine, broj: 02-04-24730-1.2/21, nalazi se 962 poslovnih subjekata koji ne ispunjavaju uslove iza Javnog poziva. Kao razlozi za odbijanje poslovnih subjekata su između ostalog navedeni sljedeći razlozi: djelatnost isključena iz Javnog poziva, nepotpuna ili neuredna dokumentacija, nisu izmireni doprinosi i porezi, bez evidentiranih zaposlenika, nedovoljan pad prometa za mart i za april, sve plaće isplatila JU SZZ, smanjen broj radnika i neblagovremeno podnio prijavu na Javni poziv.

Također, u navedenim odlukama istaknuto je da su podaci koji se odnose na promet, izmirene obaveze po osnovu javnih prihoda i broj uposlenih, preuzeti iz baze podataka Porezne uprave FBiH. Za poslovne subjekte koji su dobili finansijska sredstva za subvenciju neto plaća za uposlenike za mjesec mart i april 2021. godine korištena je baza podataka od Javne ustanove Službe za zapošljavanje Kantona Sarajevo i Fonda za profesionalnu rehabilitaciju i zapošljavanje osoba sa invaliditetom FBiH.

Ministarstvo privrede Kantona Sarajevo je dana 13.06.2021. godine na svojoj web stranicu objavilo je saopćenje za javnost, u kojem je navedeno da se na listi za finansiranje pripadajućih poreza i doprinosa na minimalnu mjesečnu neto plaću (u FBiH) nalaze i poslovni subjekti – kladionice, kojima je po šifri djelatnosti, Vlada Kantona Sarajevo zabranila rad svojom odlukom donesenom na hitnoj sjednici, održanoj 23. marta 2021. godine, a prema preporuci Kriznog štaba Ministarstva zdravstva Kantona Sarajevo. U članu 2. stav (7) Zakona o ublažavanju negativnih ekonomskih posljedica i uštedama u KS propisano je da, na prijedlog Ministarstva privrede KS, Vlada KS može odlukom odobriti isplatu pripadajućih poreza i doprinosa na minimalnu mjesečnu neto plaću na nivou FBiH poslovnim subjektima kojima je svojom odlukom zabranila rad, i to za period trajanja ove zabrane, što je bio i osnov za donošenje Odluke o odobravanju finansiranja pripadajućih poreza i doprinosa na minimalnu mjesečnu neto plaću (FBiH) za period trajanja zabrane obavljanja djelatnosti svim poslovnim subjektima koji su ispunili uvjete i kriterije po navedenom Javnom pozivu, pa samim tim i radnicima kladionica. Uvidom u Javni poziv za finansiranje pripadajućih poreza i doprinosa na minimalnu mjesečnu neto plaću (u FBiH) za period trajanja zabrane obavljanja djelatnosti u mjesecu martu i aprilu 2021. godine, u dijelu 2.1 Pravo učešća i uslovi, navedeno je da pravo na uplatu pripadajućih poreza i doprinosa na minimalnu mjesečnu neto plaću (u FBiH) za period trajanja zabrane obavljanja djelatnosti u mjesecu martu i aprilu 2021. godine po ovom javnom pozivu mogu ostvariti poslovni subjekti za djelatnosti koje obavljaju i za koje su registrovani u skladu sa KD BiH 2010, a između ostalog i za djelatnost 92.00 Djelatnost kockanja i klađenja, izuzev rada virtualnih internetskih stranica za igre na sreću.

U pogledu pravne zaštite dato je pravo poslovnim subjektima, da ukoliko smatraju da je njihovo pravo povrijeđeno u postupku izbora korisnika sredstava, mogu uložiti prigovor Komisiji putem Ministarstva privrede Kantona Sarajevo, u roku od 7 (sedam) dana od dana objave Liste na web stranici Ministarstva privrede Kantona Sarajevo, te je propisano da Komisija rješava po prigovorima najkasnije u roku od 60 (šezdeset) dana. Krajnji rok za prigovore je bio 18.06.2021. godine, nakon čega slijedi formiranje Drugostepene komisije za rješavanje prigovora, koja će u zadanom roku riješiti prigovore i objaviti listu poslovnih subjekata kojima je prigovor osnovan i listu poslovnih subjekata kojima je prigovor neosnovan.

- Ministarstvo privrede Kantona Sarajevo je nakon završetka cjelokupne procedure vezane za javne pozive za finansiranje poreza i doprinosa na minimalnu mjesečnu neto plaću (u FBiH) za period trajanja zabrane obavljanja djelatnosti u mjesecu martu i aprilu 2021. godine, te za finansiranje cijele ili dijela minimalne mjesečne neto plaće (u FBiH) za pripadajuće mjesec, objavilo listu prihvaćenih i odbijenih poslovnih subjekata po javnim pozivima, te je Vlada Kantona Sarajevo



web: <https://vlada.ks.gov.ba>  
e-mail: [uk@uk.ks.gov.ba](mailto:uk@uk.ks.gov.ba)  
Tel: + 387 (0) 33 562-277  
Fax: + 387 (0) 33 562-217  
Sarajevo, Reisa Džemaludina Čauševića 1.



izvršila transfer sredstava komercijalnim bankama, koje će u narednom periodu, uplatiti na račune poslovnih subjekata koji su na listi onih koji su ostvarili pravo na podršku.

- Ured nema nadležnosti za provođenje pojedinačnih mjera propisanih Zakonom i Programom, te je nadzor nad implementacijom Zakona, Ured izvršio isključivo sa aspekta uočavanja i sprečavanja radnji koje mogu imati koruptivne elemente. Naime Ministarstvo privrede Kantona Sarajevo je na svojoj web stanici objavilo: Izmjene i dopune programa, Javne pozive od 30.04.2021. godine, Odluke Vlade Kantona Sarajevo o odobravanju i uplati sredstava po Javnim pozivima sa listama poslovnih subjekata koji ispunjavaju i koji ne ispunjavaju uslove iz javni poziva, kao i uredbe, odluke i pojedinačne pravne akte koji se odnose na predmetnu oblast. Na osnovu svega navedenog, a prvenstveno imajući u vidu da su svi pravni akti javno objavljeni u predviđenom zakonskom roku, Ured u cilju prevencije i spječavanja korupcije, nije uočio radnje koje ukazuju na povrede zakona, niti postojanje koruptivnih aktivnosti, u postupku provođenja Javnog poziva i realizacije mjera propisanih Zakonom.
- Postupak po javnom pozivu, bio je transparentan za sve poslovne subjekte, te su pravo na učešće imali svi poslovni subjekti koji su ispunjavali uvjete navedene u Javnom pozivu, a isti je proveden u skladu sa odredba zakonskih i podzakonskih propisa koji regulišu predmetnu oblast. Ured smatra da su stručna lica imenovana rješenjem Ministarstva privrede Kantona Sarajevo, prilikom pregleda prijava i dokumentacije, obrade i kontrole podataka, te ocjene o ispunjavanju uslova postupali u zakonskom roku, u skladu sa principom pravičnosti i jednakosti. Pravo poslovnih subjekata na učešće u javnom pozivu je u dovoljno mjeri zaštićeno, a predviđena je i pravna zaštita putem ulaganja prigovora drugostepenoj Komisiji.
- Imajući u vidu da su završene procedure vezane za javne pozive, smatramo da su izvršene obaveze Ureda, koje proizilaze iz Zaključaka Skupštine Kantona Sarajevo broj: 01-04-10974-1/21 od 22.03.2021. godine. Ured će nastaviti sa prikupljanjem relevantnih podataka u vezi sa implementacijom Zakona i postupanjem nadležnih organa, uz napomenu da će u narednom periodu u slučaju da uoči radnje koja mogu imati koruptivne elemente ili rizike, informisati nadležne institucije i Skupštinu Kantona Sarajevo.

S poštovanjem,

**PO OVLAŠTENJU ŠEFA UREDA**

Faruk Sahbegovic

Dostaviti:

1. Naslovu;
2. a/a



web: <https://vlada.ks.gov.ba>  
e-mail: [uk@uk.ks.gov.ba](mailto:uk@uk.ks.gov.ba)  
Tel: + 387 (0) 33 562-277  
Fax: + 387 (0) 33 562-217  
Sarajevo, Reisa Džemaludina Čauševića 1.

